

ارتقا

ادبیات ، فنون عسکریه و بحریه ،
وتاریخ و تجارت و زراعت و صنایع
ومعارف و امور نافعه و اکتفیه لی فقراتدن
باحث مصور جریده در .

(ارتقا) نك - تانبول و طشره
ایچون بر سنه لك آبونه سی ۳۲
غروشدردر . پوسته پولی مقبولدر .
صحائفی بالجله ارباب قلمه آچیقدر . هر الی قلم
طوتان یازه بیلیر . مرکزی باب عالی
جاده سنده « معلومات » اداره خانه سیدر .

تاریخ عمومی تربیه اطفال

-۱-

نباتانند تا نوع بشره و آنچه به قدر موجودات عضویه نك حیاتنده بر تکامل تدریجی، بر انبساط دائمی مشاهده او- لنقده در. شو حال کائنات عضویه نك طبیعتلرند مکنوز و عديم الانفكاک بر خصلتدر. لسان فنده اشخاص دنیان بو مخلوقاتک حیات معنویه سنك انبساطی برطاقم قواعد و اسباب خارجیه اعانه سیله الزام و تصاحب ایلین طرز تعلیمه اخلاقیون و عوام لساننده «تربیه» نامی ویرلکده در. نودمیدم نباتانك، صنوف سفلیه حیوانانك قسم اعظمی کجای حقها تربیه اهتمامی ید قدرت الهیه، من کل الوجوه تعاون بشریه به احتیاج مس ایتدیرمکسزین تکفل ایتشددر. شوسوزدن جناب صانع ازلی یا نیکوز حیوانات عالییه تربیه ایدوب طبقه سفلا ده بولسانلری ترك ایتشددر معنای اکلشلمسون ! باغچوان ، چفتچی ؛ اری، مواشی و سائر حیوانات بسایلر اکثر حالانده طوبراغك دادحق اولان قوه ابائییه سنی آرتیرمق اوزره ادا نه و اعاده لر ده بولینورلر که ، بالاخره بو مساعی و اقداملرینك ثمراتی انعطاف ایده جکلردر . صنوف عالییه ده کی حیوانانده قدرت بالغه صمدانیه، نقیدات و اهتمامات نقطه نظر نجه براز ده تخفف ایتمش کی کورینور. بوکا مقابل ده بیوکلرک یعنی ابونك یا وورولرینه قارشو بر محبت و فاکارانه بسلمه لری اراده بیورلشددر . بالفرض کوچکلری بیوکلر سورلر ، یدرلرلر ، محافظه و مدافعه به نصب اهتمام ایدرلر . حاصلی بو خصوصیه کی میل طبیعیلری پک زیاده در. شو حال طیورده، درت آفاقی حیوانانده ده زیاده مشهود و مجربدر. بونلرک یا وورولرینه قارشو بسلاکلری حسن شفق پرورانه ورقب، شایان حیرت و تقدیر بر درجه ده در. بلا تفریق دنیله بیورلرکه، کافه اجناس مخلوقات، واهب حقیقینک کندیلرینه تحمیل و تخصیص ایتدیکی وظیفه تربیه و تعلیمده تماماً موفق اولورلر . هیچ برینك اصل ونسبی تغیر ایتدیکی کی بالذات کندیلرینه مختص اولان عملیات عمومییه و خصوصیه یی کمال امن و صدقه محافظه ایتکده درلر .

اک فطین و حساس حیوانلردن صرف نظرله نوع بشره نقل کلام و حصر مرام ایدمک اولورسه ق خالق کائناتك انسانلرک

تربیه سی خصوصنده بزه، اولیای امور بر قسم مهم تودیع ایلمش اولدیغی بولورز، روی ارضده هیچ بر حیوان تصور اولونه نکه ، انسان قدر ضعیف ونحیف بولنش اولسون ، انك قدر اقدامات بدنیه به احتیاجدن وارسته بو- لنسون ! بر طفل شیرخوار رحم مادر دن بو عالم تگونه ایاق باصنجه جانی ، روحی مبهم بر طریق تکامل اوزرنده سلمه السلام جولانه میدان بولمق سزین ، انسانی متحیر قالدینی بوزعامتخانه بی پایان ایچروسنده تربیه ایچون تقیدات متدیهیه، اقدامات عیدیه به مجبور ایلدیکی کی، مربی ازلینك بر هدایت سبجانیسی نفوذ منتظمه عرض افتقار ایلر ! ادعا ایدله کلن بو تربیه اطفاله دائر مساعی و تأثیراتك معنای عمومیسی ملاحظاننه، انسانك معصیت جهتیه بر مخلوق غافل اولدیغی نقصانی ده علاوه ایدیلورسه، تربیه نك هر زمان و بتون اقوام نرندنه ناقص قالدینی و تأثیر ایدلک بیله بو خصوصده کفایت سزقاله رق، لایتغیر اولان مقدار لرینك وساطتیه طریق مستقیم بولمقده تصادف ایتدیکی مشکلاتك نه سییه مبنی اولدیغی اکلشیلور . بو تاریخ عمومی اطفال - ده هر شیدن اقدم، بزی اوج اقباله نائل ایتکی دوش وظیفه سنه آلان اك كوزل و سزای امثال وسائل ادب و تربیه یی تزکیه ذات و صفانه خادم وساطتی تحصیله شتابان اوله جغز . بونکله برابر موضوع بحثمک « دبستان تاریخ » دن عبارت اولدیغی ده خاطر دن چیقارمیه لم ؛ محنة عالمده اجرا ایدیلک کلن نیک و بد حالات نظر تدقیقمزه چاربه جق، بزه تقدیرده وظیفه دار بولنه جغز . استاد ادب و عرفانقز اولان حکمای عربك امثال مشهوره سندندرکه : «هر شئی محک تمیزه عرض ایده رک مستحسن کورینلری حمایه ایدك » بوجله حکمیه که - هر قوم و ملت نرندنه رهنمای فضیلتدر - رهبر توفیق و تصفیه من اولسون، مربی و معلمك درجه قدسیت و علویت منزلتی «لولا المربی لما ... » حدیث سعادت تحدیثی پک عالی بر صورتده تعریف و تصویر بیورور .

ادیان منتشره نك نفوذندن خارج قالان و مدنیلرجه «وحشی» وصفنه مظهر اولان «اقوام بدویه» یی بعدالمطالعیه یهودیلری، اقوام خرسنیانییه یی سنجیده میزان تدقیق ایده رک صحرای ابدیه حائز قصب السبق اولان بنی نوعنك قواعد حیاتییه و قوانین

خصوصیه سنی ممکن مرتبه تفهیمه چالیشه جغز . خاطر نشان اولمق کرکدرکه، بو زمین عرفانی مالک اولدیغی پهنای بی پایان حسبله تمهید احتیاجاتنه مجبوریت حس ایدیلورز، فی الحقیقه تربیه اطفال ، معنای عمومیسی داخلنده ، کافه حیات اقوامی در آغوش ایدر ، چونکه جمعیت دائره سنده ادیان ، قوانین ؛ اخلاق ، فنون تجارت ، صنایع ، حرف ، وقایع سیاسییه کی هر شئیك تفیص ذاتی و تکمیل اشخاصه تأثیری باهردر، تربیه اطفالك تاریخ مکملی حیات عمومی بشری احتوا ایتلی . ایدمک آکا بولیه بر معنا ویرمک و حصر تمهید ایتک آنی عديم الاکان بر حاله ارجاع دیمکدر . شو حاله نظراً « تربیه اطفالی » دلالت خصوصیه سی اعتبارله ایضاحه چالشدق . « تاریخ عمومی تربیه اطفال » عنوانی ویردی کمز شو مقاله ده جوجق یتشدیرمه خصوصنده اجرا ایدلمش و ایدله کلش نقطه عطف اهمیت ایده رک بو تربیه یی مجرد زیر قبضه نفوذینه آلان و لاسما اخلاق و ماهیتدن باشلوجه نشانه ویرن قواعدده توقف ایده جکز .

مکتب اعدادی ملکی مأذونلردن
طربزونی : مسعود رمزی



فنون عکریه

{ اوستریا و مجارستانده }

ارطانه صریه سیاهنلری

— ۸ نجی نسخه مزدن مابعد —


اگر رئیسك مقصدی سیاحتك چین اجرا سنده بعض ضابطارایله مواد شکوکه به دائر مذا کرانده بولمق ایسه ، بونلرک و قتیله حاضر لائمش بولنلری ایچون اولجه خبردار ایدملری اقتضا ایدر .

سیاحتك سوق و اداره سی. — طرفلردن هر بری قاعده ارانه ایتدیکی قرارگاه عمومینك حقیقتده اشغال ایده جکی موقعده بولنه بیله جک وجهله هر طرفك سوق و اداره ایدلمسی لازمدر. امرلرک ارسالنده پک بیوک قاریشقلرک ظهوری ملحوظ دگلسه ، هیئت اداره یا طرفیندن برنده و یا خود هر ایکس سنك وسطنده بولنور . محاربه ایچون هر ایکی طرف برلشمش بولنلیدر .

سیاحتیه رئیس اولان ذات یالکز وظیفه ریاستی ایفا ایتمز، بالخاصه ضابطلرک تعلم و تربیه سنه حصر اقدام ایتلیدر . بورئیس هر درلو وظائفی طوبلار، ضابطان افکاری ذیلاً تحریر ایتدکن صوکره برکره دها کوزدن کچیرر؛ یا تصحیح ایدر و یا خود تکرار تحریری ایچون اوامر مقتضیه ویرر . بو وظائفک معاینه سندن صوکره کرک تفصیلاتیه برابر تحریراً و کرکسه شفاهاً؛ فقط بو حالده غیر شخصی اولمق اوزره بر مناقشه یورومک اقتضا ایدر . بو وظیفه لر، اجرا ایدلکدن صکره طرف قوماندانلری واسطه سیله احکامنه اعاده ایدیلر، بونلرده وظیفه لری خصوصنده یورویلان مطالعاتدن خبردار اولدقلرینی و یا خود بو خصوصده کی مناقشه شفاهییه اثبات وجود ایتدکلرینی وظیفه لری یاننه قید ایتکمه مجبوردرلر . وظیفه لر، سیاحتك ختامنده تکرار تدقیق ایدیلر، فقط اوزمان بو تدقیق تعلم و تدریس نقطه نظرندن اولیوب وظیفه لری تدقیق ایدیلان ضابطانك لیاقت و قابلیتینی بیان ایچون رئیسك تحریر ایده جکی راپوره براساس خدمتی کورمک مقصدینه مبنیدر .

طرف قوماندانلری ، طرفلرینك ارانه ایتدیکی قطعه عسکره قوماندانك وظیفه لری ایفا ایتدکلری کی بوندن باشقه ده ضابطلرک تعلم و تربیه سی نقطه نظرندن رئیسك معاونلریدر .

رئیس تفصیلاتیه برابر وضعیت ابتدائییه قرارلشدیردینی زمان، هر طرف بونی پک بیوک بر دقتله مناسب مقیاسده بولنان بر خریطه اوزرنده کوسه تیرر . رئیس هر قطعه یه، دشمنه دائر معلومات ویرر، حالبوکه بومعلومات اک مهم راساسی و اکثریاده ضابطانك ویره جکی قرار یکه یی تشکیل ایتدیکی جهتله بومعلوماتك حقیقتده اولدیغی کی غایت درغری و صحیح اولمق اوزره ویرلمسی اقتضا ایدر .



۶ نجی نسخه مزده کی معمانك حلی